



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtru[m] pœnitentia auferat culpam remanente reatu? 4

urn:nbn:de:hbz:466:1-38725

quis patienter sustiner, consequitur remissionem peccati, cuius conscientiam non habet.

Ad tertium dicendum, quod peccata quamuis non sint connexa, quantum ad conuersionem ad bonum commutabile: sunt tamen connexa quantum ad auersionem a bono incommutabili, in qua conueniunt omnia peccata mortalia. Et ex hac parte, habent rationem offensa, quam oportet per penitentiam tolli.

Ad quartum dicendum, quod debitum exterioris rei (pura pecunia) non contrariatur amicitia, ex qua debitum remittitur: & ideo potest unum dimitti sine alio. Sed debitum culpæ contrariatur amicitia: & ideo una culpa vel offensa, non remittitur sine altera. Ridiculum enim videtur, quod etiam ab homine, aliquis veniam peteret de una offensa, & non de alia.

Ad quintum dicendum, quod dilectio, qua Deus diligit hominis naturam, non ordinatur ad bonum gloriae, a quo impeditur homo per quodlibet peccatum mortale. Sed dilectio gratiae per quam fit remissio peccati mortalis, ordinat hominem ad vitam aeternam: secundum illud Rom. 6. Gratia Dei vita aeterna. Vnde non est similis ratio.

ARTIC. IV.

Vtrum remissa culpa per penitentiam, remaneat reatus pena?

Ad quartum sic proceditur. Videtur, quod remissa culpa per penitentiam, non remaneat reatus pena. Remota enim causa, remouetur effectus. Sed culpa est causa reatus pena: ideo enim est aliquis dignus pena, quia culpam commisit. Ergo remissa culpa, non potest remanere reatus pena.

¶ 2 Præterea, Sicut Apostolus dicit Roman. 5. Donum Christi est efficacius quam peccatum. Sed peccando homo simul incurrit culpam & penam reatum. Ergo multo magis per donum gratiae, simul remittitur culpa, & tollitur pena reatus.

Kk 4 ¶ 3 Pra-

529

sup. q.67	
ar.3. ad	
3. c. 9.	
69. a. 10.	
ad 3. c.	
4. d. 14. q.	
2. a. 1. c.	
Ro. 11. le.	
4. co. 4. et	
Hebr. 6.	
60. 4.	

¶ 3 Præterea, Remissio peccatorum fit in penitentia per virtutem passionis, secundum illud Rom. 3. Quem proposuit Deus propitiatorem, per fidem in sanguine ipsius, propter remissionem præcedentium delictorum. Sed passio Christi est sufficienter satisfactoria pro omnibus peccatis, ut supra habitum est *.
 q. 68. ¶ 69. Non ergo post remissionem culpe remanet aliquis reatus penæ.
 79. ar. 5.

SED contra est, quod 2. Reg. 12. dicitur, quod cū David penitens dixisset ad Nathan, Peccavi Domino, dixit Nathan ad illum, Dominus quoque transtulit peccatum tuum, non morieris: verumtamen filius qui natus est tibi, morte morietur. Quod fuit in penam præcedentis peccati, ut ibidem dicitur. Ergo remissa culpa, remanet reatus alicuius penæ.

R E S P O N D E O dicendum, quod (sicut in se-
 1. 2. q. 87 cunda parte habitum est *) in peccato mortali sunt
 ar. 4. duo: scilicet auersio ab incommutabili bono, & con-
 uersio ad commutabile bonum inordinata. Ex parte
 ergo auersionis ab incommutabili bono, consequitur
 peccatum mortale reatus penæ æternæ: ut qui cō-
 tra æternum bonum peccauit, in æternum puniatur.
 Ex parte etiam conuersonis ad bonum commutabile, in quantum est inordinata, consequitur pecca-
 tum mortale reatus alicuius penæ: quia inordinatio
 culpæ non reducitur ad ordinem iustitiae nisi per penam. Iustum est enim, ut qui voluntati suæ plus in-
 dulsit quam debuit, contra voluntatem suam aliquid
 patiatur: sic enim erit æqualitas. Vnde Apocalyp.
 18. dicitur, Quantum glorificauit se, & in delicijs
 fuit, tantum dare illi tormentum & luctum. Quia
 tamen conuersio ad bonum commutabile est finita,
 non habet ex hac parte peccatum, quod debeatur ei
 pena æterna. Vnde si sit inordinata conuersio ad
 bonum commutabile sine auersione à Deo (sicut est
 in peccatis venialibus) non debetur peccato pena
 æterna, sed temporalis. Quando igitur per gratiæ re-
 mittitur culpa, tollitur auersio animæ à Deo, in quā
 tum

tum per gratiam anima Deo cōiungitur: vnde & per consequens simul tollitur reatus pœnæ æternæ, potest amen remanere reatus alicuius pœnæ temporalis.

Ad primum ergo dicendum, quod culpa mortalis virumque habet, & auersionem à Deo, & conuersio nem ad bonum creatum. Sed (sicut in secunda parte habitum est *) auersio à Deo, est ibi sicut formale: conuersio autem ad bonum creatum, est ibi sicut materia. Remoto autem formalí cuiuscumque rei, tollitur species, sicut remoto rationali tollitur species humana. Et ideo ex hoc ipso dicitur culpa mortalis remitti, quod per gratiam tollitur auersio mentis à Deo simul cum reatu pœnæ æternæ. Remaneat tamen illud quod est materiale, scilicet inordinata conuersio ad bonum creatum: pro qua debetur reatus pœnæ temporalis.

Ad secundum dicendum, quod (sicut in secunda parte habitum est *) ad gratiam pertinet operari in homine, iustificando ipsum à peccato; & cooperari homini ad recte operandum. Remissio igitur culpæ & reatus pœnæ æternæ, pertinet ad gratiam operantem: sed remissio reatus pœnæ temporalis pertinet ad gratiam cooperantem, in quantum scilicet homo cū auxilio diuinæ gratiæ patienter pœnas tolerando, absolvitur etiam à reatu pœnæ temporalis. Sicut igitur prius est effectus gratiæ operantis, quam gratiæ cooperantis: ita etiam prius est remissio culpæ & pœnæ æternæ, quam plena absolutio à pœna temporalis: virumque enim est à gratia, sed primum à gratia sola, secundum ex gratia & libero arbitrio.

Ad tertium dicendum, quod passio Christi de se sufficiens est ad tollendum omnem reatum pœnæ, non solum æternæ, sed etiam temporalis: & secundum modum, quo homo participat virtutem passionis Christi, percipit etiam absolutionem à reatu pœnæ. In baptismo autem homo participat totaliter virtutem passionis Christi (utpote per aquam & spiritum Christi commortuus peccato, & in eo regeneratus

ad

1.2. q.71
ar.6,1.2.q.109
a.7. & q.
1.1. a.2.

ad nouam vitam) : & ideo in baptismo homo consequitur remissionem reatus totius penitæ. In penitentia vero consequitur virtutem passionis Christi, secundum modum proprietatum actuum, qui sunt materia penitentiae, sicut aqua baptismi, ut supra dictum est. Et ideo non statim per primum actum penitentia, quo remittitur culpa, soluitur reatus totius penitæ, sed completis omnibus penitentiae actibus.

ARTIC. V.

Vtrum remissa culpa mortali, tollantur omnes reliquie peccati?

530

*sup. ar. 4.
ad 3. et 4.
d. 14. q. 2.
ar. 1. q. 3.
c. 1. Cor.
11. lec. 7.
e. 1. fin.
* c. 9 post
me. 10. 4.*

*† c. 4. p. 4
inter pr.
c. med.*

AD quintum sic proceditur. Videtur, quod remissa culpa mortali, tollantur omnes reliquie peccati. Dicit enim Aug.* in lib. de pen. Numquam Dominus aliquem sanavit, quem omnino non liberauit: totum enim hominem sanavit in sabbato: quia & corpus ab omni infirmitate, & animam ab omni contagione. Sed reliquiae peccati pertinent ad infirmitatem peccati. Ergo non videatur possibile, quod remissa culpa, remaneant reliquiae peccati.

¶ 2 Præterea, Secundum Djonygium quarto cap. de diuinis & nominibus, bonum est efficacius, quam malum: quia malum non agit nisi virtute boni. Sed homo peccando, simul totam infectionem peccati incurrit. Ergo multo magis penitendo liberatur etiam ab omnibus peccati reliquijs.

¶ 3 Præterea, Opus Dei efficacius est quam opus hominis. Sed per exercitium humanorum operum ad bonum, tolluntur reliquia peccati contrarij. Ergo multo magis tolluntur per remissionem culpe, que est opus Dei.

SED contra est, quod Mar. 8. legitur, quod cæcus illuminatus a Domino, primo restitutus est ad imperfectum visum (vnde ait, Video homines velut arbores ambulantes), deinde restitutus est, perfectè, ita ut videret clare omnia. Illuminatio autem cæci, significat liberationem peccatoris *. Post primam ergo remissionem culpe, qua peccator restituitur ad

VI-